



產育寶慶集
衛生家寶產科備要(一)



Vertical text in a rectangular frame, likely a title or a list of items.





集慶寶育產

纂中稽郭

AW7235/030/01

本館據函海本排
印初編各叢書僅
有此本

序

妊娠之理。內經定以十月爲正產者。尙以間有過期者。蓋古之賢聖之生如此。然聞其語。未見其人也。比年以來。妊之過產者。遠者不得而知。近在燕趙間。時復有之。方妊之初也。信其爲妊。及其過產。則反疑其非妊也。問之產媪。則曰未之見也。問之名醫。則曰出月。出月者貴。問之方士。則曰妖也。以妖治之。問之庸醫。則曰病也。以病治之。二者俱失。至有母子俱不救者。旣而方知其妊也。雖悔其可追耶。余聞之甚可悼矣。恨無可考之方。以破其惑也。一日過醫公李寧之家。示一書曰產育寶慶集。披讀一二。蓋宋儒李師聖、郭稽中、楊子建輩之所編集。至生產篇云。婦人懷胎有七月八月九月十月而產者。亦有經一年至二年四年五年而後產者。蓋人之生。陰注陽定。自有時日。不可改移。今獨限以十月。似爲未盡。讀不終篇。不覺屢嘆。惜乎此書在世希有。若能廣傳。使天下共知。則人生安得罹殤夭之禍乎。意謂婦人方經雖多。而產書難其全者。若是一或廢失。世間必不復有也。因問誰氏之書。公曰。外郎楊士表所秘藏也。輒親往謁。告以情實。求之。忻然見許。遂得原書印本。方議刊行。公曰。此止一產書也。若更將御藥院雜病方論。并入月產圖體。元子借地法。安產藏衣方位。附之。合爲一集。可爲完書矣。余喜從之。猶恐有錯謬未盡者。更命諸名醫復加校正。余謂公曰。書則完矣。當如之何矣。參謀周德甫聞之。毅然贊成。遂命工刊行。自今以始。庶令妊婦得安。產媪無失。家自可以修藥。人自可以爲醫。來者可知而傳之愈廣矣。冀致君序。

產育寶慶集卷上

宋 郭 稽 中 纂

第一論曰。熱疾胎死腹中者。何答曰。因母患熱疾。至六七月以後。臟腑極熱。薰灼其胎。是以致死。緣兒身死。冷不能自出。但服黑神散。煖其胎。須臾胎氣溫煖。即自出。何以知其胎之已死。但看產婦舌色青者。是其驗。

黑神散

桂心 當歸 芍藥 甘草炙 乾薑炮 生地各一兩 黑豆炒去皮二兩 附子炮去皮臍半兩

右爲末。每服二錢。空心溫酒調下。一法無附子。有蒲黃。

陳言評曰。夫妊娠謂之重身。二命係焉。將理失宜。皆能損胎。不特病薰灼所致。或因傾仆驚恐。出入觸冒。及素有癥瘕積聚。壞胎最多。候其舌青。即知子死。養胎論云。面青舌赤。母死子生。青唇吐涎。子母俱死。又有雙懷二胎。或一死一生。其候尤難知。是非臨期觀變。未易預述。不可不備述也。然以黑神散溫胎。未若補助產母。使其氣正。免致虛乏困頓。胎自下矣。催生丹殊勝黑神散。

催生丹 治胎死腹中。或產母氣乏委頓。產道乾澀。

蒼朮米泔浸二兩 桔梗一兩 陳皮六錢 白芷 桂心 甘草各三錢 當歸 川烏頭炮去皮尖 乾薑炮 厚朴製

南星炮附子

炮去皮

半夏

湯洗七次

茯苓

芍藥

各二兩

杏仁

炒去皮尖

阿膠

鉄炒各二錢五分

川芎

錢半

枳殼

鉄炒

南木香一錢

右爲末。每服一二錢。溫酒下。覺熱悶。用新汲水調白蜜服。

第二論曰。難產者何。答曰。胎側有成形塊。呼爲兒枕。子欲生時。枕破。與敗血裹其子。故難產。但服勝金散。逐其敗血。卽自生。若逆生橫生。並皆治之。

勝金散

麝香一錢

鹽豉

一兩。用舊青布裹了。燒令通紅。急以乳鉢槌碎爲末。

右共爲末。取秤槌燒紅。以酒淬之。調下藥一錢七。

陳言評曰。產難不只胎側有兒枕。破裏凝隨其胎息因緣。自有難易。其遇橫逆。多因坐草太早。努力過多。兒轉未逮。或已破水。其血必乾。致胎難轉。若先露脚。謂之逆。先露手。謂之橫。法當以微針刺之。使自縮入。卽服神應黑散。以固其血。必自轉生。養生方云。倉皇之間。兩命所係。不可不廣傳。蓋贊黑散之功也。或以鹽搽兒脚底。抓搔之。

神應黑散

治橫生逆生難產。

百草霜

香白芷

各等分

右爲末。每服二錢。童子小便。好醋各一茶脚許。調勻。更以沸湯浸四五分服。止一服見功。甚者再服卽

分娩矣。一名烏金散。

第三論曰。胎衣不下者。何答曰。母生子訖。血流入衣中。衣為血所脹。是故不得下。治之稍緩。脹滿腹中。以次上衝心胸。疼痛喘急者。難治。但服奪命丹。以逐去衣中之血。血散消脹。胎衣自下。而無所患。

奪命丹

附子牛兩。炮。去皮臍。 牡丹皮兩一。 乾漆一分。搗碎。炒煙盡。

右為末。臘醋一升。大黃末一兩。同熬成膏。和藥丸。如桐子大。溫酒下五七丸。不以時。

牛膝湯。治產兒已出。胞衣不下。臍腹堅脹急痛甚。及子死腹中不得出。

牛膝酒浸。 瞿麥各四兩。 滑石八兩。 當歸酒浸。 木通各六兩。 葵子五兩。

按陳言第三論評闕。

第四論曰。產後血暈悶者。何答曰。產後氣血暴虛。未得安靜。血隨氣上。迷亂心神。故眼前生花。極甚者。令人悶絕。不知人口。噤神昏氣冷。醫者不識。呼為暗風。若作此治之。病必難愈。但服清魂散。即愈。

清魂散
澤蘭葉 人參各一分。 荊芥穗兩一。 川芎兩半。

右為末。溫酒熱湯各半盞。調一錢。急灌之。下咽即開眼。氣定省人事。

陳言評曰。產後眩暈。頃刻害人。須量虛實為治。若胸中宿有痰飲。阻病不除。產後多致眩暈。又血盛氣

弱氣不使血逆而上攻。此等皆非清魂可療。仍用半夏茯苓湯。血壅須用牡丹皮散。但駛藥尤難輒用。當識輕重。所謂擾乎可擾。擾亦無擾。若氣血平人。同去血多致暈者。芎藭湯尤佳。

半夏茯苓湯

半夏湯洗三兩

茯苓

熟地各一兩

陳皮

細辛

蘇葉

川芎

人參

芍藥

桔梗

甘草

各六錢

右咬咀。每服四大錢。水二盞。薑七片。煎七分。去渣。空心服下。有客熱煩渴。口生瘡者。去陳皮。細辛。加胡知母。腹冷下利者。去地黃。入桂心炒。胃中虛熱。大便秘。小便濇。加大黃一兩八錢。去地黃。加黃芩六錢。

牡丹皮散 治產後血暈悶絕狼狽。若口噤則拗開灌之。必效。

牡丹皮

大黃蒸

芒硝各一兩

冬瓜子半合

桃仁三十七粒。去皮尖。

右咬咀。每服五錢。水三盞。煎至一盞半。去渣。入芒硝。再煎分二服。欲產。先煎下以備緩急。金匱以此治腸癰。但分兩少異。

芎藭湯方在第十論。

第五論曰。產後口乾痞悶者。何答曰。產後榮衛大虛。血氣未定。食麵太早。胃不能消化。麵毒結聚於胃脘。上薰胸中。是以口乾煩渴。心下痞悶。醫者不識。認爲胸膈壅滯。以藥下之。萬不得一。但服見睨丸。見睨丸。

薑黃 京三稜 華澄茄 陳皮法白 高良薑 人參 蓬莪茂

右七味等分爲末用細切蘿蔔漫火煮令爛研細將汁煮糊丸桐子大蘿蔔湯下三十九不以時

陳言評曰產後口乾痞悶未必只因食麪或產母內積憂煩外傷躁熱飲食甘辛使口乾痞悶當隨其

所因調之可也煩心宜四物湯去地黃加入參烏梅煎若外傷燥熱看病何經當隨經爲治難以備舉

飲食所傷見睨丸卻能作效四物湯方見第六論

第六論曰產後乍寒乍熱者何答曰陰陽不和敗血不散皆令乍寒乍熱產後血氣虛損陰陽不和陰勝

則乍寒陽勝則乍熱陰陽相乘則或寒或熱若因產勞傷藏府血弱不得宣越故令敗血不散入於肺則

熱入於脾則寒醫若人誤作瘡疾治之則繆矣陰陽不和宜增損四物湯敗血不散宜奪命丹又問二者

以何別之答曰時有刺痛者敗血也但寒熱無他證者陰陽不和也增損四物湯不一皆隨病加減

增損四物湯

當歸 人參 芍藥 川芎 炮薑各一兩 甘草錢四

右咬咀每服四錢水一盞薑三片煎六分去渣熱服

奪命丹方見第三論

陳言評曰乍寒乍熱榮衛不和難以輕議若其敗血不散豈止入脾肺二藏耶大抵一陰閉一陽即作

寒熱陰勝故寒陽勝故熱只可云敗血循經流入閉諸陰能寒閉諸陽則熱血氣與衛氣解則休遇再

會而復作。大調經散。五積散。入醋煎佳。

大調經散 治產後血虛惡露未消。氣為敗濁凝滯。榮衛不調。陰陽相乘。憎寒發熱。或自汗。或腫滿。皆氣

血未平之故也。

大豆炒去皮一兩半。 茯神兩一。 真琥珀錢一。

右為末用濃煎。烏頭紫蘇湯下。

五積散 治感寒濕。與脾胃氣閉。腰腹痛。及有積聚。

蒼朮米泔浸一宿。 桔梗十。 陳皮六。 白芷。 甘草炙。 當歸各二。 川芎一兩。 芍藥。

白茯苓 半夏湯去滑各一兩。 麻黃去節。 乾薑春夏三兩。 厚朴薑製炒。 枳殼。 桂分兩原。

右先將前十二味。咬咀。微炒。令香。取出。當風涼之。入後枳殼。桂。朴。三味。同為細末。每服三錢。水一盞。薑

三片。棗二枚。煎七分。食前溫服。產婦陣疎。難產。經二三日不生。胎死腹中。或產母氣乏。委頓。產道乾澀。

加順元散。水七分。酒三分。煎相繼兩服。氣血內和。即瘥。胎死者。不過三服。當下。其順元散。量產母虛實

加減。

順元散

烏頭炮去皮尖。 附子炮去皮尖。 天南星炮。 各。 木香半。

右為末。同前法煎此藥。治內外感寒。脈沉伏。遲細。手足冷。毛髮恟慄。傷寒陰症。大噉一二杯。氣和汗出。

即愈。

第七論曰。產後四肢浮腫者何。答曰。產後敗血乘虛停積于五臟。循經流入于四肢。流淫日深。卻還不得。腐壞如水。故令四肢面目浮腫。醫人不識。便作水氣治之。凡治水腫。多用導水藥。極能虛人。夫產後既虛。又以藥虛之。是為重虛。往往多致夭枉。但服調經散。血行腫消即愈。

調經散

沒藥另研

琥珀另研

桂心

赤芍藥

當歸各一錢

細辛

麝香另研各半錢

右為末。每服半錢。用生薑汁溫酒各少許調勻服。

陳言評曰。產後浮腫多端。有自懷孕腫至產後不退者。有產後失於將理。外感風寒暑濕。內作喜怒驚憂。血與氣搏。留滯經絡。氣分血分。不可不辨。要當隨所因脈證治之。宜得其情。調經散治血分固效。但力淺難憑。不若吳茱萸湯。枳實湯。奪魄散。大調經散。皆要藥也。

加減吳茱萸湯 治婦人藏氣本虛。夙挾風冷。胸膈滿痛。腰脇絞刺。嘔吐惡心。飲食減少。身面虛浮。惡寒

戰慄。或泄利不止。少氣羸困。及因生產藏氣暴虛。邪冷內勝。宿疾轉甚。

吳茱萸湯洗七次炒

桔梗 甘草炙

乾薑炮

麥冬去心

防風

細辛

當歸酒洗炒

半

夏湯洗七次

茯苓

丹皮

桂心各半兩

右咬咀。每服四錢。水盞半。煎七分。去渣。空心熱服。

枳實湯 治心下堅大如盤邊如旋盤水飲所作名曰氣分

枳實麸炒去穢一兩五錢 白朮一兩

右咬咀每服四錢水盞半煎七分去渣溫服腹中軟即散

奪魄散 治婦人產後虛腫喘促利便即愈

生薑取 白麵各三 半夏七個 湯洗去滑

右以生薑汁溲麵裹半夏為七餅子炙焦熟為末熱水調一錢小便利為效

大調經散 最治產後腫滿喘急煩渴小便不利方見第六論

第八論曰產後乍見鬼神者何答曰心主身之血脉因產傷耗血脉心氣則虛敗血停積上干于心心不

受觸遂致心中煩燥起臥不安乍見鬼神言語顛倒醫工不識呼為風邪如此治之必不得愈但服調經

散每服加生龍腦一捻得睡即安

調經散方見第七論

按陳言第八論評闕

第九論曰產後不語者何答曰人心有七孔三毛產後血氣弱多致停積敗血閉于心竅神志不能明了

又心氣通于舌心氣閉塞則舌亦強矣故令不語如此但服七珍散

七珍散

人參 石菖蒲 川芎 熟乾地黃各一兩 細辛一錢 防風 硃砂研各半兩

右為末每服一錢薄荷湯調下不以時

按陳言第九論評闕

第十論曰產後腹痛又瀉利者何答曰產後腹胃虛怯寒邪易侵若未滿月飲冷當風乘虛入流于盲膜散于腸脇故腹痛作陣或如錐刀所刺流入大腸水穀不化洞泄腸鳴或下赤白腹脇臃脹或走痛不定急服調中湯立愈若醫者以為積滯攻之則禍不旋踵謹之

調中湯

良薑 當歸 桂心 芍藥 附子炮 川芎各一兩 甘草炙五錢

右咬咀每服三錢七水三盞煎一盞去渣熱服

陳言評曰產後下利非止一證當隨所因而調之既云飲冷當風何所不至寒熱風濕本屬外因喜怒憂思還從自性況勞逸飢飽皆能致病若其洞泄可服調中赤白帶下非此能愈各隨門數別有正方今錄桃膠散白頭翁湯以備用餘從滯下門中選用之

沉香桃膠散 治產後利下赤白裏結後重疹刺疼痛等證

桃膠瓦上焙乾 沉香 蒲黃紙隔炒各等分

右為末每服二錢陳米飲調下空心服

白頭翁湯 治產後下利虛極。

白頭翁

甘草

阿膠各二兩

黃連

蘘皮去粗皮

秦皮去粗皮各三兩

右咬咀。每服四錢。水一盞半。煎七分。去渣。空心服。

第十一論曰。產後遍身疼痛者。何答曰。產後百節開張。血脉流走。遇氣弱則經絡分肉之間。血多留滯。累日不散。則骨節不利。筋脉引急。故腰背不得轉側。手脚不能動搖。身熱頭痛也。若醫以爲傷寒治之。則汗出而筋脉動搖。手足厥冷。變生他病。但服趁痛散以默除之。

趁痛散

牛膝

當歸

桂皮去

白朮

黃耆

獨活

生薑各五錢

薤白

甘草

炙各一分

右爲粗末。每服半兩。水五盞。煎至二盞。去滓。熱服。

陳言評曰。趁痛散不特治產後氣弱血滯。兼能治太陽經感風。頭疼腰背痛。自汗發熱。若其感寒傷食。憂恐驚怒。皆致身腫發熱頭痛。況有蓐勞諸證。尤甚。趁痛散皆不能療。不若五積散入醋煎用。卻不妨。第十二論曰。產後大便祕澀者。何答曰。產婦臥水血俱下。腸胃虛竭。津液不足。是以大便祕澀不通也。若過五六日。腹中悶脹者。此有燥糞在臟腑。以其乾澀未能出耳。宜服麻仁丸以津潤之。若誤以爲有熱而投之以寒藥。則陽消陰長。變動百出。性命危也。

麻仁丸

麻仁研 枳殼炙 人參 大黃各半兩

右爲末。鍊蜜丸。梧桐子大。空心溫湯下二十九。未通。加丸數。

陳言評曰。產後不得利。利者百無一生。去血過多。藏燥大便秘澀。則固當滑之。大黃似難輕用。惟葱涎調蠟茶爲丸。復以葱茶下之。必通。

阿膠枳殼湯 治產後虛羸。大便秘澀。

阿膠 枳殼鈇炒去

右爲末。蜜丸如桐梧子大。別研滑石爲衣。溫酒下二十九。半日來未通。再服。

第十三論曰。產後血崩者何。答曰。產後傷耗經絡未得平復。而勞役損動。致血暴崩下。淋漓不止。或因鹹酸不節。傷蠱榮衛。氣衰血弱。亦變崩中。若小腹滿痛。肝經已壞。爲難治。急服固經丸以止之。

固經丸

艾葉 赤石脂煨 補骨脂炒 木賊各半兩 附子一枚。炮去皮臍。

右爲末。陳米飲和丸。梧子大。食前溫酒下二十九。米飲亦得。

陳言評曰。血崩不是輕病。況產後有此。是謂重傷。恐不止。鹹酸不節。而能致之。多因憂驚恐。藏氣不平。或產後服斷血藥早。致惡血不散。鬱滿作堅。亦成崩中。固經丸似難責效。不若大料。煮芎藭當歸。加芍藥湯。候定。續次隨證。合諸藥治之。爲得。

芎藭散 治產後去血過多。暈悶不省。及傷胎去血多不止。懸虛心煩。眩暈頭重。目昏耳聾。舉頭欲倒。諸

證。

芎藭 當歸洗去土。焙乾。各等分。

右剉爲散。每四錢水一盞半。煎七分。去渣熱服。

第十四論曰。產後腹脹悶滿。嘔吐不定者。何答曰。血散於脾胃。脾受之不能運化。精微而成腹脹。胃受之則不得受納。水穀而生吐逆。醫者不識。若以尋常治脹止吐藥療之。病與藥不相干。轉更傷動正氣。疾愈難治。但服抵勝湯必瘥。

抵勝湯

赤芍藥 半夏湯洗七次 澤蘭葉 人參 陳皮各二錢 甘草炙一錢

右咬咀。作一劑。水三碗。薑半兩。煎至兩盞。去渣服。

按陳言第十四論評闕。

第十五論曰。產後口鼻黑氣起。及鼻衄者。何答曰。陽明者。經脈之海。起于鼻。交額中。還出挾口。交人中。左之右。右之左。產後氣消血散。榮衛不理。散亂入于諸經。卻還不得。故令口鼻黑起。及變黑衄。此緣產後虛熱。變生此疾。其疾不可治。名曰胃絕肺敗。不出方。

按陳言第十五論評闕。

第十六論曰。產後喉中氣急喘者何。答曰。榮者血也。衛者氣也。榮行脉中。衛行脉外。相隨上下。謂之榮衛。因產所下過多。榮血暴竭。衛氣無主。獨聚于肺中。故令喘也。此名孤陽絕陰。爲難治。若惡露不快。敗血停凝。上薰于肺。亦令喘急。如此但服奪命丹。血出喘息自定。

奪命丹 方見第三論

陳言評曰。產後喘急固可畏。若是敗血上薰于肺。猶可責效奪命丹。若感風寒。或因憂怒飲食鹹冷等。奪命丹未可均濟。況孤陽絕陰乎。若榮血暴絕。宜大料煮芎藭湯。亦自救。傷風寒宜旋覆花湯。性情鬱發。宜小調經散。用桑白皮、杏仁煮湯調下。傷食宜見睨丸。五積散。見睨丸見第五論。五積散見第六論。芎藭湯見第十三論。小調經散闕。或即第七論中調經散。

旋覆花湯 治產後傷感風寒暑濕。咳嗽喘滿。痰涎壅塞。坐臥不安寧。

旋覆花 赤芍藥 半夏麩 前胡 麻黃去根 荊芥穗 五味子 甘草炙 茯苓 杏仁各等分

右咬咀。每服四錢。水一盞半。薑五片。棗一個。煮七分。去渣。空心服。

第十七論曰。產後中風者何。答曰。產後五七日內。強力下牀。或一月之內。傷于房室。或懷憂發怒。擾蕩冲和。或因著灸。傷動藏府。得病之初。眼澀口噤。肌肉瞤搐。以漸腰脊筋急。強直者不可治。此人作。非偶爾中風所得也。

陳言評曰。問產後中風。風是外邪。血虛則或有中之者。直答以人作不可治。問答不相領解。如何開示。

後人立論之難有如此者。若是中風。當以脈辨。看有何藏。依經調之。強力下牀。月內房室。憂愁着灸。非中風類。蓐勞。性氣火邪。治各有法。非產後病。不暇繁引。學者識之。

第十八論曰。產後心痛者。何答曰。心者血之主。人有伏宿寒。因產大虛。寒搏于血。血凝不得消散。其氣遂上衝擊於心之絡脈。故心痛。但以大巖蜜湯治之。寒去則血脈溫而經絡通。心痛自止。若誤以爲所傷療之。則虛極寒益甚矣。心絡寒甚。傳之正經。則變爲真心痛。朝發夕死。夕發朝死。藥不可輕用如此。

大巖蜜湯

熟地 當歸 獨活 吳茱萸湯泡 乾薑炮 芍藥 桂心 甘草炙 小草各一兩 細辛兩

右到爲散。每服半兩。水三大盞。煎至一盞。去渣。微熱服。

陳言評曰。產後心痛。雖非產蓐。常痛庸或有之。凡痛未必便是血痛。設是巖蜜湯。豈可用熟地黃等藥。泥血。安能去痛。此方本出千金。用生乾地黃。吳茱萸一升。合准五兩。乾薑三兩。細辛治陳寒在下焦。方本一兩。卻減作半兩。制奇制偶。量病淺深。自有品數。不可妄意加減。然以巖蜜湯治血痛。不若失笑散用之更效。

失笑散 治心腹痛欲死。百藥不效。服此頓愈。

五靈脂 蒲黃微炒。各等分。

右爲細末。先用醞醋調二錢。熬成膏。入水一盞。煎七分。食前熱服。

第十九論曰。產後熱悶氣上轉爲脚氣者。何答曰。產後血虛生熱。復因春夏取涼過多。地之蒸濕。因足履之所以着而爲脚氣。其狀熱悶癱瘓。驚悸心煩。嘔吐氣上。皆其候也。服小續命湯兩三劑必愈。若醫者誤以逐敗血藥攻之。則血去而疾益增劇。

小續命湯

麻黃去節

防己

人參

黃芩

桂心

甘草炙

白芍

川芎

各一兩

杏仁

一兩。皮尖炒。

附子

一枚泡。去皮臍。

防風兩

右剉爲散。每服四大錢。水一盞半。薑七片。棗二個。煮七分。去渣。不拘時服。

陳言評曰。脚氣固是常病。未聞產後能轉爲者。往往讀千金見產婦多此疾之語。便出是證。文辭害意。可概見矣。是熱悶氣上。如何令服續命湯。此藥本主少陽經中風。非均治諸經脚氣。須要依脚氣方論。陰陽經絡調之。此涉專門。未易輕論。既非產後要病。更不繁引。

第二十論曰。產後汗出多而變痙風者。何答曰。產後血虛腠理不密。故多汗。因遇風邪搏之。則變痙風也。痙者口噤不開。背強而直。或發痙狀。搖頭馬鳴。身反折。須臾復發。氣息如絲。宜速幹口。灌小續命湯。稍緩卽汗出如雨。手拭不及者。不可治。

小續命湯

見第十卷九篇。

陳言評曰。產後汗出多變痙。亦令服續命湯。此又難信。既汗多如何更服麻黃。官桂。防己。黃芩輩。不

若大豆紫湯爲佳。大醫局方大聖散亦良藥也。

大豆紫湯 治中風頭眩惡風治汗吐冷水及產後有病中風痲瘖背強口噤直視煩熱。

獨活一兩 大豆半 酒三升

右先浸獨活煎一二沸別炒大豆極焦煙出急投酒密封候冷去豆每服一二合許得少汗則愈日數十服此湯能去風消血結如妊娠折傷胎死腹中服此得瘥。

大聖散方

第二十一論曰產後所下過多虛極生風者何答曰婦人以榮血爲主因產血下太多氣無所主唇青肉冷汗出自眩神昏命在須臾此但虛極生風也如此急服濟危上丹神良若以風藥治之則誤矣。

濟危上丹
乳香研 五靈脂研 硫黃研 大陰元精石研 陳皮去白 桑寄生 眞阿膠搗 卷柏生分 等

右將上四味同研勻石器內微火上炒勿令焦再研極細後入餘藥末用地黃汁糊丸梧桐子大產後溫酒下二十九當歸酒亦得。

陳言評曰所下過多傷損虛竭少氣唇青肉冷汗出神昏此皆虛脫證何以謂之生風風是外淫必自感冒中傷經絡然後發動臟腑豈能自生風也風虛之說蓋因脉經云浮爲風爲虛此乃兩病合說在人迎則爲風在氣已則爲虛後學無識便謂風虛是一病謬濫之甚學者當知。

產育寶慶集卷下

宋 郭 稽 中 纂

產乳備要

晚乳大故。方書浩博。自非素習。誰能適從。危殆之間。頗艱應用。今採摭諸方論中將護要法。及預備經效。要用湯藥。名曰產乳備要。務從簡易。以救倉卒。

凡產婦合要備急湯藥。並須預先修合題號。恐臨時倉卒難致。臨月慎勿多飲酒。即依產圖方位。擇深靜房室。入月一日。即貼借地法于房內北壁。薰令香潔。安產藏衣方位。此與太平聖惠方同。但彼以支言。而此以干言。故兩存之。

正月丙位安產吉。	壬位藏衣吉。	丁天德藏衣吉。
二月甲位安產吉。	庚位藏衣吉。	坤天德藏衣吉。
三月壬位安產吉。	丙位藏衣吉。	壬天德藏衣吉。
四月庚位安產吉。	甲位藏衣吉。	辛天德藏衣吉。
五月丙位安產吉。	壬位藏衣吉。	乾天德藏衣吉。
六月甲位安產吉。	庚位藏衣吉。	甲天德藏衣吉。

七月壬位安產吉 丙位藏衣吉 癸天德藏衣吉

八月庚位安產吉 甲位藏衣吉 艮天德藏衣吉

九月丙位安產吉 壬位藏衣吉 丙天德藏衣吉

十月甲位安產吉 庚位藏衣吉 乙天德藏衣吉

十一月壬位安產吉 丙位藏衣吉 巽天德藏衣吉

十二月庚位安產吉 甲位藏衣吉 庚天德藏衣吉

凡欲生產切不得喧鬧產婦房門常須關閉選一年高性和善產婆又選穩審謹慎家人一兩人扶持切不用揮霍致令產婦憂恐又忌閑雜外人喪孝穢濁之人瞻視若不慎之定是難產小兒若于腹中痛來但令扶行或行不得且立候行得便行或痛作陣眼中如火生此是兒回轉即進琥珀散一服直至行不得即扶上蓐草務要產婦惜力或心中熱悶取白蜜一匙新汲水調下或未解即吞生雞子一枚

琥珀散 治產後惡露不盡結聚小腹疼痛

琥珀兩

當歸三分 剉微炒

沒藥半斤

青橘皮半兩 湯浸去白麩焙

赤芍藥兩

木香兩

桂心兩

香附子兩

右藥搗細爲散不計時候以豆淋酒調下一錢

若產後心空但時與琥珀散一服或煎芍藥湯進之更不用他治當進溫粥慎勿與熱食食熱則滯血或

三五日內但覺腹中搦痛。兒枕未定。卽進定痛散二服。

芍藥湯 治產後因血不快利。氣上攻。心腹疼痛。

芍藥二兩。黃耆剉。白芷。人參。芍藥炒。生乾地黃焙。甘草炙。各一兩。白茯苓去黑皮。一兩半。

右爲粗末。每服三錢。水一盞。煎取七分。去渣。入酒少許。溫服。不拘時候。

芍藥湯 治產後虛乏。不思飲食。四肢昏倦。心腹陣痛。補虛治氣。

當歸一兩半。切。焙。人參。肉桂。生薑後入。甘草炙。各一兩。芍藥一兩。

右爲末。每服三錢。水二盞。入棗二枚。煎至一盞。去滓。溫服。日三次。

定痛散 治產後惡血不止。腹內熱痛不可忍。及兒枕未定。

當歸切。焙。芍藥各二兩。桂心一兩。或以川芎代之。

右爲末。每服二錢。水酒共一盞。生薑一塊。彈子大。拍破。同煎至六分。去滓。溫服。

夫人生產。自有時候。痛不甚者。名曰試痛。宜須強行熬忍。宜食軟飯。若食飯不得。卽宜食粥。及飲蜜漿。勿令飢渴。恐產婦無力困乏。若經時不產。進通靈散一服。若生畢。暖少許醋墨至呻。以童子小便。調七寶散一服。心中自然開爽。不住燒磚石。以醋沃之。直至七日。要令產婦鼻中常聞醋氣。宜燒茅香。白芷。皂莢等物。慎勿令見穢惡。若產訖。忽覺心中昏悶。或眼花。如在舟車中。卽是血暈。急須服牡丹飲子黑神散。通靈散 催生。

用蛇蛻皮一條全者緊捲以蚯蚓泥裹燒黃近藥處泥些少用不妨細研爲末每服一錢溫酒調下
又方 治產後惡血不下兒枕不散小腹疼痛

細墨濃研半 好醋半 沒藥一分

右用童子小便少許同煎五七沸溫服不拘時候

七寶散 治初產後勻血和氣補虛壓驚悸

硃砂研如粉 桂心 乾薑炮 當歸切 川芎 人參 羚羊角灰 茯苓各等

右各杵爲細末若產婦平和三臘以前直至滿月每日各取一小匙以羌活豆淋酒調者空心服若覺心胸煩熱卽減薑桂冷卽加之腹痛加當歸心悶加羚羊角心中虛氣加桂不下食或惡心加人參虛戰加茯苓以意斟酌日二夜一服不飲酒者以童便溫調下

牡丹飲子方缺

黑神散 防暈備急

驢護肝不拘多少以桑柴火燒以刀刮取黑煤更刮令盡研細入真麝香少許如纔產了及覺血上衝心暈悶取一錢以熱酒和童子小便調下

薑粉散 纔產服此藥盪盡兒枕除百病源

當歸 官桂不得見 人參 茯苓 甘草 芍藥 知母 川芎 大黃炒 黃耆 木香 草

豆蔻 白朮 訶子 高良薑 青橘皮去 熟地黄許少

右除地黄外各等分焙乾次用附子一箇中樣半兩者炮製入衆藥生薑一片研取自然汁於碗中停留一食久傾去清汁取下面粉脚攤在翦葉中入焙籠焙乾共合地黄搗羅爲末纔產後用末三錢水一盞薑三片棗子一個擘開同煎至七分乘熱喫喫後自然產母睡着半日以來睡覺再服全除卻腹痛一日只可三服至九服不可多服肚中冷也

當歸血竭丸 治婦人產後惡物不下結聚成塊心胸痞悶臍下堅痛

當歸剉炒 血竭 蓬莖菴施 芍藥各二兩 五靈脂四兩

右爲細末醋麪糊丸桐子大每服四十九丸溫酒下或溫粥飲下空心食前服

烏金散 治產後諸疾

紅芍藥 川當歸 乾薑 蒲黃 甘草 熟乾地黄各一兩

右各爲末別用黑豆一合炒令香熟去皮除蒲黃與餘藥共杵爲細末於銀器中漫火炒紫色後入蒲黃如產後別無疾每日服一盞豆淋酒調下更不生諸疾若稍有不安服即愈如產後血逆心悶腹痛一兩服立止

血竭散 治產後百疾

血竭 沒藥剪碎

右等分。輕手研細頻篩。再研取盡為度。每服二錢。用小便合陳酒半大盞。煎一沸。溫調下。纔產下一服。上床良久再服。其惡血自循下行。更不衝上。免生百病。

保安丸 治產前產後三十六種冷血氣。半身不遂。手脚疼諸疾。並宜服之。

赤茯苓皮去 牡丹皮 白芍藥各三分 吳茱萸 沉香各一分 人參去蘆 當歸洗切 桂皮去

牛膝酒浸 香白芷 木香 藁本去蘆 麻黃去節 川芎 附子炮去皮 細辛揀淨 蘭香葉

甘草剉炙 寒水石燒 防風去蘆 桔梗去蘆 蟬殼去足翅各半兩 馬鳴退一兩 生乾地黃兩

右為細末。揀蜜為丸。如小彈子大。每日空心用溫酒化下一丸。療八風十二痺。疝瘕。乳房中風。淋血積聚。并治胎不安。子死腹中。不過三丸。可下死胎。生衣不出一丸。便效。產前產後痢。并赤白帶下。及嘔逆填心。疾氣煩滿。一丸瘥。產後或產前。腹中疼痛。邊臍下如刀刺相似。一丸便止。產難月。可日一服。至產不覺疼痛。產前傷寒中風。體如板。煎麻黃湯化下一丸。立效。經脈不通。或頻併。或赤白。喫食無味。瘦惡。乍寒乍熱。面赤唇焦。手足煩疼。遍身黑點血斑。一切病。服此藥悉愈。每一丸細嚼。宜空心溫湯送下。

二聖散 治產前安胎。產後惡血不盡。及胎衣不下。

羌活 川芎等分 右為細末。每服二大錢。酒少許。水七分。沸調溫服。

方 治產後血痛如刀刺。

熟乾地黃 橘皮等分

右爲末。每服一錢。粥飲調下。尋常痛發可常服。

方 治產後頭痛。大全良方作奇散。

大川芎爲末。每服二錢。水一盞煎至七分。溫服。立瘥。

方 治產後咳逆。

石蓮十箇炒熟 丁香十箇

右爲末。用米三合。煎十沸。溫服。

方 治產後咳逆不止。

狗膽箇一 礞砂 丁香 五靈脂各少許

右爲末。以狗膽丸如白豆大。每服一丸。生薑水磨下。

方 治產後小便不通。

右用葱爛搗蜜調。以紙花貼臍下。

若三日後。覺壯熱頭痛。此是乳脈行。卽進玉露散二服。或大小便秘澀。或發寒熱。頭痛。四肢如碎。此是勞。或產後大渴。胎損。吹妳。咳嗽。別生他疾。及帶起宿患。亦宜檢尋別方治之。月內不宜多語笑。強起離床。行。或作針線運動。恣食生硬。不避風脫衣洗浴。當時雖無大損。滿月後。或成蓐勞。手脚及腰腿酸重冷痛。

骨髓間颼颼如風吹。縱有名醫。卒不能療。大都產婦將息。須是百日。方可平復。大慎犯觸。因此多致身體強直。如角弓反張。名曰蓐風。遂至不救。小有虛羸。失於將補。便成大患。終身悔不及矣。慎之慎之。玉露散 治產後乳脉行。煩熱。或大腸滯澀。肌體疼痛。涼膈壓熱下乳。

茯苓 人參 甘草炙。各半兩。 桔梗 白芷 川芎各一兩。 川大黃 當歸炒。各一分。 芍藥三分。

右為末。每服二三錢。水一盞。煎至七分。溫服。日三。若臟腑洩瀉。即除大黃。

湧泉散 下妳。

川山甲半兩。醋浸炒令輕空。 脂麻退皮。合。 胡桃二個。敲去殼。湯浸去皮。 肉豆蔻麩包。火內炮令麩焦。去麩不用。

增損四物湯 與一便良方同。云治產後乍寒乍熱。無他痛處者。陰陽不和。只無人參。

當歸 芍藥 人參 川芎 乾薑各一兩。 甘草四錢。炙。

右為末。每服二錢。水一盞。生薑五片。同煎至六分。去滓。微熱服。不以時。

若產後四肢安和。亦不用多喫酒藥。緣氣虛。禁持未得。卻多昏眩。唯飲童子小便無妨。且勿平身側臥。夜常須一人看承。令豎起兩膝臥。睡即須頻喚覺。虛羸困乏。無力即空心進理中丸。七寶散。七日本外。恐喫粥無味。或虛乏無力。即爛煮羊肉汁。黃雌雞汁作粥。未可喫肉。亦不可喫生冷及硬物。便成積滯之患。常以淨黑豆一升。炒令煙出。以酒五升澆淋。入羌活一兩。槌碎同浸。常用此酒下藥。或時飲一盞。大辟風邪。令諸疾不生。

理中丸方缺。

七寶散見前。

方 治小兒傷食吐不止。

丁香一粒

巴豆一個·不出殼

縮砂仁五箇

大烏梅一箇

右爲細末。丸如黍米大。每服二三丸。煎藿香湯下。乳後服。

經氣調治法

論曰。經候者。經脈之常候。血氣運行。恆久之度也。陰陽愆伏。則月候失常。以致太過不及。乍多乍少。或前或後。陰氣乘陽。胞寒氣冷。血不運行。故乍少。陽氣乘陰。血熱流散。故乍多。陰過於陽。則期前來。陽過於陰。則期後至。久則或崩漏不止。斷絕不行。至使面色不澤。臍腹時痛。久不治之。漸致虛損。令人斷產。變生他疾。皆由衝任虛弱。榮衛不調之所致也。婦人賦柔弱之質。易感易傷。氣以榮養之。血以滋潤之。氣行則血隨而行。氣滯則血凝而窒。當調其陰陽。順其血氣。一有偏勝。則經候不調。百病生矣。可不慎哉。

滋陰丹 養血和氣。理治榮衛。充盛肌膚。活血注顏。久服大補衝任。調順月經。

熟乾地黄

生乾地黄

人參

白茯苓各二兩

黃耆

甘菊花

枸杞子

丹參

柏子仁炒

白芍藥各二兩
右爲細末。煉蜜丸如桐子大。每服五十九。米飲下。空心食前。日進二三服。

沒藥丸 治婦人水經不調。肌瘦發熱。飲食減少。

沒藥 羌蔚子 乾薑 蒼朮 川芎 熟乾地黃 白芍藥 當歸各一兩 血竭半兩

右除血竭沒藥外。咬咀。先炒羌蔚子焦黃色。次下乾薑炒令黃。次下蒼朮微黃色。次下川芎等藥。並令微黃色。與血竭沒藥等。同為細末。醋煮麵糊為丸。桐子大。每服五六十丸。漸加至八九十九丸。空心食前。溫酒或醋湯亦得。日進二服。

地黃膏子 治婦人本藏血氣衰乏。困倦無力。或發虛熱。飲食減少。並宜服之。

熟地黃八兩 淨蜜十八兩

右將熟地黃為末。同蜜熬成膏子。丸桐子大。空心食前。每服四五十丸。溫酒下。米飲亦得。或作膏子。酒化服。不飲酒白湯亦得。

八珍散 調和榮衛。理順陰陽。滋血養氣。進美飲食。

當歸 川芎 白芍藥 熟地黃 人參 茯苓 甘草炙 縮砂仁各等分

右為粗末。每服三錢。水一大盞。生薑七片。棗三枚。去核。同煎三五沸。去渣。放溫。空心。日進二服。

萬病丸 治婦人久虛。血氣衰少。怠惰嗜臥。飲食不進。肌體瘦悴。精神不足。十便良方。名滋陰萬病丸。鄭汝明產經。名內補丸。

熟乾地黃 當歸各四兩

右為細末。麩糊為丸。桐子大。空心食前。每服五十九丸。溫粥飲下。

大保生丸 調和本氣。治療諸疾。滋補榮衛。久服之大有功效。

人參 薔本 白茯苓 當歸 赤石脂 生乾地黃 白芷 延胡索 肉桂去皮 白芍藥 白

薇 川芎 白朮 甘草炙 沒藥 牡丹皮兩半

右為細末。煉蜜和丸。彈子大。空心食前。每服一丸。溫酒化下。

六神散 治脾氣不和。榮衛不足。怠惰困倦。不嗜飲食。服之補真養氣。進食充肌。

當歸 熟地黃 川芎 地骨皮 黃耆 白芍藥各一兩

右為粗末。每服五錢。水一盞半。煎至八分。去渣。空心溫服。

當歸沒藥丸 治婦人真氣虛憊。血氣極少。不能榮養。致使經氣不來。或發寒熱。飲食減少。怠惰嗜臥。以致勞虛。

致勞虛。

當歸剉炒 沒藥 天仙子炒黑 乾薑炮 蒼朮炒黃 芍藥 熟乾地黃 川芎各等分

右為細末。麩糊為丸。桐子大。每服五十九。溫粥飲下。食前服。

活血散 治衝任氣虛。經事不調。或多或少。或前或後。並皆治之。

當歸 川芎 白芍藥 柴胡各四兩 肉桂去粗皮

右為粗末。每服五六錢。水一盞半。煎至七分。去渣。稍熱。食後服。

說說丸 治衝任不和。子藏怯弱。或經墮胎後。元氣不復。此藥常服。調和衝任氣血。

當歸 熟地黃各一兩 延胡索 澤蘭葉各一兩半 川芎 赤芍藥 白薇 人參 金釵石斛各一兩

牡丹皮一兩

右為細末，醋麪糊為丸，桐子大，每服五十九，空心溫酒下，或粥飲亦得。

加味四物湯 治婦人衝任不調，臍腹疼痛，月事入時不來，及衝任太過，致使陰陽不和，或發寒熱，減食

和飲，欲成勞病。

當歸 地黃 芍藥 川芎各一兩 柴胡半兩 黃芩二錢半

右咬咀，服食，依前法。

地髓煎丸 治婦人經氣不調，虛煩發熱，肌體瘦悴，形羸弱困，飲食不進，欲成勞病。

熟乾地黃不計多少

右為末，煉蜜為丸，桐子大，每服五十九，空心食前，溫粥飲下。

當歸地黃丸 治婦人血氣不和，月事不勻，腰腿疼痛。

當歸 熟地黃 川芎 白芍藥各一兩 牡丹皮 延胡索各一兩 人參 黃耆各半兩

右為末，煉蜜和丸，桐子大，每服三十九，米飲下，食前，日二服，平養氣血。

滋血湯 治婦人皮聚毛落，心肺俱損，血脈虛弱，月水愆期，益氣養血，調進飲食。

人參 白茯苓去 熟乾地黃 川芎 當歸 白芍藥 黃耆 乾山藥各一兩

右爲粗末。每服五錢。水一盞半。煎至一盞。去渣。溫服下。

滋榮丸 治婦人本經衰弱。愆期不來。及有血結成塊。臍下堅硬疼痛不消。並宜治之。

熟乾地黄 人參 五味子 赤芍藥 當歸 遠志去苗 白茯苓去皮 牡丹皮 桂心 藜本

各一兩 防風 卷柏 細辛 山藥各半兩 白朮三錢

右爲細末。煉蜜和丸。桐子大。每服三十九。食前空心溫酒下。日進三服。

當歸良薑散 補養血氣。去心腹疼痛。脇肋脹滿。經絡不調。或赤白帶下。腰脚疼痛。一切痼疾。

高良薑五兩 厚朴二兩。去皮 當歸二兩 桂二兩

右爲粗末。每服二錢。水一盞。艾十葉。同煎至七分。去滓。食前熱服。

抽刀散 治婦人心腹脇肋疼痛。不忍。產前後亦用。

川烏頭炮去皮 牡丹皮 芍藥 乾薑炮 桂心 沒藥 當歸各等分

右爲細末。每服二錢。熱酒調下。不過三服。輕可一服。產後加紅花。

禹餘糧散 治氣血傷。衝任虛損。崩傷帶漏。久而不止。或下如豆汁。或成片如肝。或五色相雜。或赤白相

兼。臍腹冷痛。面體痿黃。心忪悸動。發熱多汗。四肢困倦。飲食減少。

禹餘糧醋 伏龍肝 赤石脂 白龍骨 牡蠣 烏魚骨 桂去皮 浮石各等分

右爲末。每服三錢。煎烏梅湯調下。食前服。白多加牡蠣。龍骨。烏魚骨。赤多加赤石脂。禹糧。黃多加伏龍

肝、桂心、隨病加治。

禹餘糧丸 治婦人諸病方。

桂皮去 禹餘糧燒醋 龍骨 人參 紫石英 川烏頭 桑寄生 杜仲去皮 五味子 遠志

去 澤瀉 當歸洗切 石斛去根 茯苓 乾薑各二兩 川椒去目炒 牡蠣燒 甘草炙

右為末煉蜜為丸。桐子大。每服二十九。米飲下。漸加至三十九。日三服。

五聖散 調益榮衛。滋養氣血。治衝任虛損。月水不調。臍腹疼痛。崩中漏下。血瘕塊硬。發歇俱疼。妊娠宿

冷。將理失宜。胎動不安。血下不止。及產後乘虛。風寒內搏。惡露不下。結生瘕聚。小腹堅疼。即作寒熱。

當歸 熟乾地黃 川芎 白芍藥各一兩 生乾地黃三兩

右為末。酒煮麪糊為丸。桐子大。每服六七十丸。食前溫酒送下。

延齡護寶丸 治婦人血藏虛損。經候過多。每行時暴下。不可禁止。因成崩中。連日不斷。致五臟空虛。失

色。黃瘦崩竭。暫止。日少復發。不耐動搖。小勞輒極劇。此藥但空心服。大有效。

禹餘糧石二兩。燒醋 龍骨 人參 桂 赤石脂 紫石英研 熟地黃 杜仲去粗皮 桑寄生

續斷 香白芷 芎藭 當歸剉炒 遠志去心 金釵石斛去根 白茯苓去皮 阿膠炒

牡蠣 五味子 艾葉各一兩

右為末。煉蜜為丸。桐子大。每服四五十丸。溫粥飲下。空心食前服。

必效散 治婦人本經不調及崩漏不止。

櫻皮燒 木賊二兩 去節燒灰 存性 研細 麝香一錢

右爲細末每服二錢食前溫酒調下。

方 治內損吐血。

飛過麪不計多少微炒過濃磨陳墨一茶脚調下二錢立效。

方 治非時吐血。

荆芥連根洗淨搗汁半盞飲之。

又方

生地黃自然汁一盞槐花揀淨一兩用地黃汁炒槐花候地黃汁盡花乾每用三五十粒細嚼之。

又方

新綿半兩燒令存性分二服濃煎人參湯調下。

靈寶散 治血氣刺痛引兩肋疼痛及痲癬刺氣。

丁香一錢 半 木香一錢 半 乳香一錢 半 當歸 延胡索 白芍藥各半兩

右爲末每服一錢溫酒調下食前服。

烏金散 治血崩漏下最治產後血崩并小產血崩漏下。

櫻欄皮 烏梅 乾薑燒灰存性 各等分

右爲末。每服二大錢。煎烏梅湯調溫服。不以時。

旋覆花丸 治停痰積飲在脇下。久而不愈。漸成大癖。心腹脹滿。羸瘦不能食。食不消化。喜睡乾嘔。大小

便或澀或利。在腸中搖動有水聲。或口乾好飲水漿。兩脇疰痛。服之必安。久服根除。

旋覆花去 桂皮去 枳實麸炒 人參各一兩 乾薑炮 芍藥 白朮各一兩 赤茯苓

狼毒 川烏頭炮去 礬石燒赤 各一兩 七錢半 芫花醋浸 炒乾 吳茱萸湯浸去滑 炒黃色 橘皮 細辛去苗

大黃微炒 黃芩去黑 厚朴生薑製 去皮 葶藶隔紙炒 各七錢半 甘遂炒 兩半

右爲細末。煉蜜和丸。桐子大。每服一十九至二十九。日二服。不拘時候。

妊娠調養法

蠡斯丸 治婦人無子術。金城太守范羅謙上。臣驗此術。若服藥四十日無子。請戮臣一家。以令天下醫

人又名賜子丸。陳無擇三方作秦桂丸。施圓端效方作白薇丸。

附子生去 白茯苓去黑 白薇 半夏湯洗 七次 杜仲去粗 桂心 秦芎 厚朴去麁皮 各三錢 防

風 乾薑生 牛膝 沙參各二錢 細辛去苗 半兩 人參錢四

右爲細末。煉蜜丸。如小豆大。日服五十九。空心任下。如覺無益。稍加丸數爲度。如服七日後。陰陽覺有

娠。三日後不可更服。臣妻年二十七歲無子。服此藥有娠。又殘藥與前太子中舍宇文妻李氏。年四十

歲無子。服此藥十三日有娠。此藥名蠡斯丸。屢用屢驗。此方不可不廣與人。如夫不在家。不可服。凡女人妊娠。若素虛羸。血氣不足。體中有風氣。心下多痰水者。欲有胎喜病阻。其狀顏色如常。脉理和順。但覺肢體沉重。頭目昏眩。不思飲食。惡聞食氣。多噉鹹酸。心中憤懣。不知患之所在。以至三四月以後。則大劇吐逆。不能勝舉。如此有證。則宜服療阻病竹茹湯。人參散。地黃丸。竹茹湯方闕。

人參散 治初娠惡食嘔逆。

人參兩。

枳殼三分。麸炒去鬚。

厚朴薑汁塗炙。

甘草炙。各半兩。

右爲粗末。每服四錢水一盞半。入生薑彈子大一塊拍破。同煎至七分。去滓溫服。不拘時候。

地黃丸方闕。

夫妊娠藏氣皆壅。關節不利。切不宜多睡。食粘硬難化之物。亦不須亂服湯藥。大慎鍼灸。惟須靜安心神。不得悲憂驚恐。負重振動。若覺胎藏不安。腹中微痛。心意煩悶。四體昏倦。宜服安胎順氣阿膠散。近難月卽服順胎保安散。千金丸。

阿膠散 治娠妊不問月數深淺。因頓仆胎動不安。腰腹痛。或有所下。或胎奔上刺。心短氣。

熟乾地黃二兩。細切。

艾葉切。焙黃。

當歸切。焙。

甘草炙。

芍藥

川芎

阿膠炙令燥色。各一兩。

黃耆若虛羸。

一至一兩。

右爲末。每服四錢。水一盞半。煎至八分。溫服。若胸中冷逆氣。加生薑五片。棗五枚。同煎服。

保安散 治妊娠胎氣不安。心腹痛。

當歸

一兩半 切焙

人參兩

阿膠炙令燥

甘草炙各半兩

右爲末。每服三大錢。水一盞半。入葱白一莖。拍破。煎至八分。去滓。食前溫服。未定再服。

千金丸

治產前後一切風冷血氣等候。產前胎氣不安。腰腹疼痛。四肢昏倦。妊娠臨月預合下。每日空

心一服。臨產五臟不痛。易產。產中不生諸疾。兼治產後惡血不盡。及胎衣不下。增寒壯熱。吐逆煩悶。皮

膚虛腫。或血暈狂迷。眼見神鬼。能調勻血氣。

金釵石斛

別搗爲細末

秦艸

川椒去子微炒

細辛

防風

貝母

微炒

熟乾地黃切

糯米

竹草

炙各一分

當歸切焙

大麻仁

黃芩

乾薑炮

大豆蘗

以黑豆生芽。長二寸。焙乾。用各三分。

石膏半

右精研爲末。以煉蜜成劑。入臼中杵一千下。分爲七十二丸。擇除破天德。月德日合。每服一合。溫酒調下。產後產前赤白帶下。溫酒嚼下。產前後血風薄荷湯嚼下。月信不通。當歸酒下。臨產艱難。或三五日難產。及胎衣不下。子死腹中。橫生倒產。死絕不語。但心頭有熱氣。用藥一丸。姜棗湯研化灌之。下喉立瘥。產後惡血不盡。臍腹疼痛。嘔吐壯熱。增寒煩悶。月候不調。或少。肢體虛怠。皮腹浮腫。產血不止。虛勞中風。口噤不語。半身不遂。產前後赤白痢。大小便秘澀。血暈狂語。頭痛。面色痿黃。漸成勞瘵。飲食無味。並溫酒研下一丸。產前臨月。每日一丸。至臨產。用當歸酒下一兩丸。催生。五臟不痛。易生。

救生散 安胎益氣易產。

人參半兩

訶子濕紙裏煨令熟去核

白朮剉炒黃

陳橘皮去白炒

大麥蘖炒黃

神麩細剉炒黃各半兩

右爲末每服二錢水一盞煎至六分空心溫服入月加一倍水二盞煎一盞溫服能令兒緊小乳母無患。

十月厥陰行令地氣不收冬氣不藏萬物反生時有濛霧人病關閉不禁心痛陽氣不收氣嗽孕婦多暴死及墮胎之病宜服暖肝藥以治之治婦人胎動不安方無問太歲但寅申年十月瀕有濛霧淒清之化孕婦有胎動不安之病宜進後方。

方

人參一分 防風一分 當歸一分 五味子一分 白朮一分 續斷一分 川芎兩 桑寄生

三分 甘草三銖 細辛三銖

右爲末每服一錢水一大盞煎至七分空心去滓服。

方 治妊娠患時疾。

黃芩尖如錐者各一兩 鬱金各一兩

右爲末每服一錢板藍根地黃水下汗出效未得汗再服即瘥夏子益衛生十全方內有白朮一錢

石脂散 治妊娠瀉痢。

赤石脂錢六 乾薑錢四 糯米一合炒黃

右爲末分爲二服水二盞煎至一盞食前溫服。

戊巳丸 治泄瀉水穀不分謂之殮泄。方缺